

HEADLINES (EVENING)

Date – 01/02/2025

Time - 18:30 -18:40Hrs

1. Chakma Autonomous District Council (CADC) chanchin-a a wawi khat nan BJP sorkar a piang a, karleh thawhlehi ah BJP CEM Pu Molin Kumar Chakma lakluh a ni ang.
2. Sorkarin Village Council term a pawh tawi chungchanga khinna thu ah High Court chuan sorkar chu insawifiah chiang lehzuat turin a hriattir .
3. Union Finance Minister Nirmala Sitharaman chuan wawiin khan NDA sawrkar term thumnaa budget hmasa ber parliament ah a pharh.
4. Wawiin khan President Draupadi Murmu-i chuan New Delhi-a Bharat Mandpam-ah World Book Fair 2025 a hawng.

<><><>

CADC BJP GOVT

Chakma Autonomous District Council (CADC) chanchin-a a wawi khat nan BJP sorkar a piang a,

Nimin khan District Council & Minority Affairs Dept chuan Chief Executive Member Pu Molin Kumar Chakma chu CEM thar atan Governor in a pawm thu thuchhuah siamin a sawi a, wawiin khan Kamalanagar a let nghalin Chief Executive Member thar tur Pu Molin Kumar Chakma hi ropui takin party mi ten an lo hmuak a ni.

CEM thar Pu Molin Kumar Chakma hi Thawhlehi lo awm tur, tun thla ni 4 ah lakluh a ni ang.

Amah hmuahna inkhawmah hian thusawiin Pu Molin Kumar Chakma chuan CADC-ah sorkar nghet leh chak tak, an huamchung hmasawna atana a inpe dawn tih a sawi a, sorkar thar ngaihpawimawh tur chu sorkar inrelbawltha, CADC tana hmasawna ropui tak thlentu siam a nih thu a sawi a. An party tan leh a MDC pui te tana thawhpui tha nih a tum thu sawiin BJP District President Pu Durjya Dhan Chakma, CEM pawh lo ni tawh kaihhraina hnuaiyah leh BJP State President Pu Vanlalhmuaa leh sorkar laipui lama an hruaitute thawhpui hnuaiyah hmasawna ruhrel lamah pawh hmasawna duhawm tak an hmuh chhoh a beisei thu a sawi a ni.

He hunah hian BJP District President Pu Durjya Dhan Chakma pawhin thu sawiin CADC CEM thar Pu Molin Kumar Chakma chu a lawmpui thu a sawi a, CADC in chak taka hma a sawn nan a chungah rinna sang tak a nghah thu a sawi a ni.

ZPM leh MNF MDC ten BJP an zawm hnuah CADC ah hian BJP chuan sorkarna a siam dawn ta a ni.

<><><>

CYMA

Central YMA chuan ni 6 kal ta chhung khan Ruihhlo thahnem tak an man a, hemi kaihhnawihah hian mi 14 man an ni bawk.

Central YMA Kumpulan hmalakna in tun hnai ni 6 chhung khan No. 4 : Hawng - 5, Tictac bur – 5, Alprazolam tablet 3 leh Pregabalin Tablet : 18 man in Ruihhlo kaihhnawihah hian mi 14 an man tel a, Home leh Ruihhlo enkawltha Center hrang hrangah mi 9 dah luh niin Police kutah mi 2 hlan an ni a, Counselling class kal mi 3 an awm bawk a ni.

<><><>

VC/LC

Sorkarin Village Council term a pawh tawi chungchanga khinna thuah High Court sorkar chu insawifiahna chiang lehzuat turin a hriattir a, an insawifiah thatna hi naktip Thawhtanni-a thehlut tha leh turin a Court chuan a ti a.

AMVCA President Pu K. Lalngaizuala chuan Akashvani News zawhna chhangin tunkar Ningania High Court in an thubuai kallai a ngaihtuahah VC term an pawh tawi chhan insawifiahna record sorkar lamin an chhawpchuah chu High Court in a dukhawp lo tih a sawi a. Naktip Thawhtanni lo awm turah hian sorkarin insawifiahna record an neih ang ang thehlut tha leh tura High Court in a tih thu a sawi a. AMVCA chuan beiseina sang tak an neih thu leh, hnehna an chan ngei an inbeisei thu a sawi a ni.

AMVCA hian an President Pu K. Lalngaizuala hmingin nikum November ni 21-a sorkar VC term thla 6-a a pawh tawina order an khing mek a. Thubuai hi a tirah sorkar order hmasa khinna a nih avangin AMVCA hian hnukkirin sorkar order hnunung zawk khinna tur an thehltut leh a. Hemi chungchang ngaihtuah hun tura ruahman tun thla ni 13 khan AMVCA chu dan ang thlap register an nih loh a nih loh avangin an ukil te thurawn angin hemi vek hian an inhnukdawk leh a. A tuk, tun thla ni 14 khan thubuai hi an President hmingin an thehltut leh a. A tuk tun thla ni 15 khan High Court chuan sorkar chu insawifiah turin a ti ta a ni.

Hetihlai hian State Election Commission chuan thla thar ni 12 ah hian VC leh Local Council inthlan neih a nih dawn thu an lo chhuah tawh a. High Court thutlukna hian inthlanna lo awm turah nghawng a la nei thei dawn a ni.

<><><>

REIEK TOURISM

Reiek tlang tlawhtu mipuite enkawl dan tur chunglung zawk ngaihtuatu tur, Destination Management Committee din a ni dawn.

Reiek Tlang Tourism Development Board Working Chairman Pu C. Lalsangpuia chuan tunhnaia Reiek tlang tlawhtute enkawl dan tur chungchanga Tourism Minister leh department hotute nena an thutkhawmnaah chunglung leh tha leh zuala Reiek tlang tlawhtute enkawl theih dan tur ruahmanna siam turin Destination Management Committee chu Mamit Bawrhsap kaihhruai tura din an rel thu a sawi a. He Committee hian zau zawka khualzin tam lehzualin Reiek tlang an tlawh theihna tur ruahmanna a siam dawn thu a sawi a. Hetah hian Reiek tlang tlawh tura sum sen ngai zat mipuiten Chiang taka an hriat lawk theihna tur duan te, state pawn atanga khualzin lokal tur te tana Lengpui an tum phat atanga Reiek an kal theih dan tur Chiang zawka hriat theihna tur duan bakah thil hrang hrang he Committee hian a rel a ni, a ti.

Pu C. Lalsangpuia chuan tunhnaia social media-a Reiek tlang tlawh man chungchang boruak awm chu ngaihtuah that tura tih mek a nih thu a sawi a. VC inthlan lo awm tur avanga an la thutkhawm hleihtheih loh thu leh lirthei hman man pawh tihnam tura ruahmanna a kal mek thu a sawi a. Tunah chuan rate ngai anga an la kal zel thu leh hetihruai hian mipuite leh a lirthei neitute inbiakremnaa a man an bithliah ang ni lem lo, tlawm zawka miputen lirthei an hman thin thu a sawi bawk.

Reiek Tlang Tourism Development Board Working Chairman chuan an kal zel dan tur chungchangah sorkar hotute nena an thutkhawm tuma an ruahman, Destination Management Committee a din hun an ngaihchan reng thu a sawi a. Tunah chuan he committee thar hian thutkhawm an la koh loh thu leh an la reh rih thu an sawi a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni. Naktuk zing dar 7 leh a chanve-ah Chanchinthar puan leh a ni ang.

<><><>

BCM

Mizoram Baptist Kohhran Assembly hnuiaia Rorelna sang ber, BCM Assembly Executive Committee Meeting ni hnih awh, tun thla ni 29 leh 30-a neih zawh takah Kum 2025-2026 budget atan cheng nuaih 13,274 ruahman a ni a, kohhran thawhlawm atangin cheng nuaih 8,871.70 hmuh beisei a ni.

Probationary Pastor atana mi panga lak thar pawmpui a ni a, an ni bak hian Pastoral Committee in Probationary Pastor mi panga Assembly a Ordain tur a chhawp chhuahte chu pawmpui an ni bawk. Tun tum Assembly Executive ah hian mi 309 kalin, heng an thu rorel te hi kumin BCM Assembly March thla-ah pawm a ni ang.

Hetihlai hian February 13-16 chhunga Lunglawn mual, Lunglei-a neih tur Mizoram Thalai Kristian Pawl (MTKP) inkhawmpui vawi 48-na atana pandal sak hnatlang an kalpui mek a, pandalah hian mi Sangriat Atanga mi sangkua vel leng tura beisei a ni. Inkhawmpui pandal zau zawng hi a dung ft 230 leh avang ft 184 tura duan a ni.

<><><>

KHAWZAWL

Khawzawl District Hospital-ah vawiin khan Speciality Clinic buatsaih a ni a, hetah hian Doctor Specialist 3 in damlote an en a ni.

Speciality Clinic-ah hian zing dar 9:30 atangin chawhnu dar 1:00 thlengin inentirna neih a ni a. Hetah hian damlo 147 inentir an awm a ni.

Speciality Clinic hi karleh Thawhtanniah Khawzawl District Hospital-ah vek hian neih leh a ni dawn a, ruh lam, inzai ngai, naupang, hrawk leh ka chhung bawr vel enna te leh hmeichhe lam mithiam te an thu a ni

Speciality Clinic hi Mizoram Health System Strengthening Project hnuai Internal Performance Agreement (IPA) behchhana buatsaih a ni.

<><><>

UNION BUDGET

Union Finance Minister Nirmala Sitharaman chuan vawiin khan NDA sawrkar term thumnaa budget hmasa ber parliament ah a pharh. Pi Sitharaman-i chuan Nil Tax Slab chu tihlen niin kum khata cheng nuai 12 lalut chinte chu huam tir an ni tawh dawn a ti a. Hei bakah hian Union Finance Minister hian income-Tax lak dan tur bithliah thar pawh a puangzar nghal a ni.

(Byte)

Pi Sitharaman-i chuan mi naran middle class te chhiah chawi thin chu nasa taka tihhniam a ni a ti a. Hei vang hian an kuta pawisa hman tur a tam phah ang a, sum khawl leh sum peipunna lamah sum leng vel a tam phah ang a ti bawk.

Union Finance Minister chuan agriculture lama programme thar puangin Prime Minjister Dhan-Dhaanya Krishi Yojana chu kalpui anih tur thu a sawi a. He scheme hi scheme lo awm tawh sa te nen chhunfin a ni ang a, ramchhung district 100 a tuam dawn a ni.

Sawrkar laipui chuan kum 6 chhunga kalpui tur "Mission for Aatmanirbharta in Pulses" a kalpui dawn tih sawi bawkin Tur, Urad leh Masoor te thlurbing an ni ang a ti a. Sawrkar laipui chuan National Institute of Food Technology, Entrepreneurship leh Management chu Bihar ah a din dawn tih puang bawk a. La chingtute tan Mission for Cotton Productivity siam a ni dawn a, hei hian an tharchhuah nasa takin a ti pung dawn a ti bawk.

<><><>

WORLD BOOK FAIR

Vawiin khan President Draupadi Murmu-i chuan New Delhi-a Bharat Mandpam-ah World Book Fair 2025 a hawng.Kumin World Book Fair ah hian thupuih "We the People of India" tih chu hman niin Ramin Republic a nih kum 75 na hriatreng nan hman a ni.

<><><>